

اُردو سائنس

نومرو ۲۷

پنجشنبہ

۱۹ مارت ۱۳۲۴

تصدیق ضروری اوله جفی ده بیسان قلندی . بوحالده دول معظمه متحابه نك
دخی تصویب ایتدکری تعویضات اخذی مسدکنه سلوك ایدلك لازم کلدی .
اول امرده بوسنده کی املاک امیریة عثمانیه به مقابل درت میلیون لیرا تأدیه سی
تکلیف ایتدک . تعویض احاسنده مطابقت افکار ایله برابر قیصه برمدتده وسهولتله
حاصل اولدی . بواساسی قبول ایتدکدن صوکره دخی ایکی یجق میلیون لیرا
اعطاسنده اصرار کوسترلدی . احوال حاضرده آوستریانک بزه تضمینات اعطاسنه
موافقتیله [۱] حکومت عثمانیه نك شرف و حیثیتی محافظه اولندیغی ربو ایکی یجق
میلیونک استحضار اولنه میه جفی حکومت سسزیه نك خیر خواهی اولان دولتر
بیان و بالقانلرده وسیله شورش و نفاق اولان بوسنه وهرسك مسأله نك بر آن
اول تسویه ایدلسی طرفی اخطار ایتدیلر . باب عالی بواکی یجق میلیون لیرای
قبول ایتک مجبوریتده قلدی

اشته پروتقولاک ایکنجی و بشنجی ماده لری بوصورتله وجوده کلدی . مواد
سائر حقنده کی ملاحظاتیزی مقاله آتیه مزه بر اقپورز .

ابن الضیا

اقامتگاه حقنده تدقیقات قانونیه

(بکن نسخه دن مابعد)

§ فرانسه نك حقوق قدیمه سنده اشخاصك تعیین اقامتگاهی مسئله سی اهمیت
فوق العاده بی حائز ایدی . زیرا فرانسه نك بر قسمنده روما قانونی مرعی اولدیغی
حالده دیگر بر قسمنده حقوق عرفیه و تعامل جاری ایدی . بویله تعامل و عادلانك
عددی اوچپوزدن دون دکلدی . بعض تعامل خصوصی یعنی بعض بلده لرده

[۱] «بارون ثرنال بکی بازار سنجاغی آوستریا به غائب ایتدیردی . یکی بازار
سنجاغنك سوق الجیشجه اهمیت ظاهر در . . . بارون ثرنال آوستریا و مجارستانه بی لزوم
تحشیدات عسکریه اراسی ایچون یوز میلیونلره پاره صرف ایتدیردی . . . صرف
برمسأله شکیه دن عبارت اولان تبدیل حکمرانی مسأله نك حل ایچون باب عالی به الی
ایکی میلیون فرانق تأدیه سنه سبب اولان ینه ثرنال در . . . » (نوویه وره میا) .

مرعی اولان خصوصی عرفدن ماعدا - بر شخصك اقامتگاهی فلان یرده و یا بشقه محله اولسنه نظراً حال و صفت شخصیسه سی و اهلیت قانونیسی و حقوق و وظائفی تبدل ایدردی .

فرانسه قدیم مؤلفینی اقامتگاهی بو وجهله تعریف ایدرلردی : « بر کیسه نك مسكن و مصالحك كه مهم مقری اولق اوزره اتخاذ و قبول ایتدیگی ، اوراقی بولندیردینی و آنجق احوال استثناییه انه فكك ایتدیگی محله دركه او کیسه اورادن برسبله آریلورسه سیاحت ایدیور ، و او محله عودت ایتدیگی وقت سیاحتدن عودت ایتشدیر دنیلور . »

قودسیویل لایحه سنده اقامتگاهك تفریق ایچون او معنا محافظه ایدیرك « بر کیسه نك كه مهم مؤسسسه نك بولندینی محله در . » دیه تعریف ایدلش ایه ده قودسیویلك تنظیمنده عین عبارت ابقا ایدیلوب « بر کیسه نك كه مهم مؤسسسه نك كان اولدینی محله او کیسه نك اقامتگاهی واقعدر » بولنده تعریف ایدلدی .

بوصورته تنظیم اولنان قودسیویلك ۱۲۰ نجی ماده سی اقامتگاهی طوغریدن طوغرییه تعریف ایتیبو آنجق كان اولدینی محلی بیان ایدر . شوراسی محققدركه فرانسه قانونی نظرنده اقامتگاه حقیقت ماده و قانون قدیمده اولدینی کی اكه مهم مسكن و مؤسسسه نك بولندینی محل دكلدر . الیوم اقامتگاه مجرد ، قانونی ، نظری برشیدر . برجوق مؤلفین بر کیسه ایله كه مهم مؤسسسه نك واقع اولدینی محل بیننده منابیت قانونیه ارامقده متفقدرلر .

فرانسه قودسیویلك ۱۰۲ نجی ماده سی تفسیر ایدلك ایستلورسه شویله دیلیدر : اقامتگاه بر شخصك موقع قانونیسیدر قانون و حقوق نظرنده اوراده بولندینی فرض اولنور . فعلاً ایستر اوراده بولانسون ایستر بولانسون حقوقك تطبیق ایچون اوراسی اساس اتخاذ ایدیلور . یعنی قانون نظرنده بر شخصك حقوقك اجرایی ایچون اساس دائمی اولان مسکنیدر . »

مع مافیه استعمالده و بعضاً قانونده بیله اقامتگاه یرسنه آنك كان اولدینی محل ذكر اولنور . - ذكر حال اراده محل قبیلندن اولارق - نه کیم بر کیسه

برشیئك اوزرنده اولان حق تملكی اعلان ایچون عیناً اوئی ایله افاده ایدر .
مثلاً بوشی اوزرنده حق تملك واردر ديمك لازمكوركُن اولنك برینه (بوشی
بندر) دینلور ، اقامتگاهده دخی عین حال جاریدر .

§ مجرد برحق قانونیدن عبارت اولان اقامتگاهی بر فعل محضدن غیرى برشی
اولیان سکندان تفریق ایتمك ایجاب ایدر . اقامتگاه سکندان آبرى ومستقل
برشیدر . یعنی سکنا اقامتگاهی ایجاب وانتاج ایتمز . برکیمسه برمسکن اتخاذ
ایتمکله اقامتگاهی حاصل اولدینی کبی اومسکنك ترکیله دخی اوحق زائل اولمز .
مسکن برمعناد برکیمسه نك بولندینی یره دینلور . مسکن سکنا وفعلاً
اقامتله حاصل اولور . وسکنا اولمىنجه مسکن اولمز . برکیمسه نك بولندینی بر
ساکن اولدینی مدتیجه مسکنی اولور .

برکیمسه نك متعدد مسکنی اوله بیلور . مثلاً اوکیمسه نك هم صیفیه وهمده
شتایه سی واردر . فقط بوکا مقابل بردن زیاده اقامتگاهی اوله ماز .

بعض مؤلفین مسکنی ده منزلدن تفریق ایدیورلر . مؤلفین مذکورونك
رائحه منزل برکیمسه نك تصادفاً بولندینی هر بردر . برکیمسه نك كرك اوزون
برمدت ایچون كرك قیصه برمدت ایچون بولندینی محل اوکیمسه نك منزلیدر .
مثلاً برکیمسه نك اقامتگاهی ونجار تگاهی استانبول اولوب اسکدارده عائله سی ومسکنی
اوله بیلور . اوکیمسه سیاحت ایدرکن هر بولندینی بر اوکیمسه نك منزلیدر .
قانونده بو تفریق وتقسیمه رعایت اولندینی ادعا ایدلما لیدر . جزا قانوننامه
همایونسك ۱۰۵ نجی ماده سنده کی خانه تعبیری اقامتگاه ومسکن تعبیرندن اعم اوله رق
استعمال ایدلمشدر . [۸]

§ هر شخصك ضروری اوله رق بر اقامتگاهی اولسی لازمیدر ؟

بویابده اشخاصك (معنوی) یعنی (قانونی) و (حقیقی) اولاق اعتباریله ایکی
نقطه نظردن تدقیق ومطالعه ایدلمسی اقتضا ایدر . اولاشخاص حقیقیه حقنده

[۸] اقامتگاه Domicile مسکن Habitation منزل résidence مقابلارینی

بوراده قبول ایتمکی مناسب کوردك .

بومستلته نك حلتنه كيريشلم : بر قسم مؤلفين ديركه هر نقدر نادر ايسمهده عمومى اقامتكاهسز آدم تصور ايديله بيلور .

بولر مدعالرينه دليل اولمق اوزره اصول محاكمات حقوقيه قانونسك ۱۸نجى ماده سنك فقره ثانيه سنده كي (مدعى عليهك اقامتكاهى اولمدينى حالده موقه ...) عباره سنى ذكر ايديورلر . (اقامتكاهسز آدم تصور ايديله بيلور) رايئنه بولنانلر مدعالرينى تأييد ايتك ايچون بعض احوال استثنائيه ايراد ومثال اوله رق اقامتكاهى منهدم ومخترق اولان كي ميسينى ، مستقل برم سكنه مالك اولميان زوج وزوجه دن تولد ايدن چوجقلرايله مجهول ابويندن تولد ايدن اولاد غير مشروعه ينى ذكر ايله بولنرك اقامتكاهنى يوق عدايدرلر . كذلك بر كي ميسه نك متعدد وعين اهميت وجسامتده تجار تكاهى ومؤسساتى اولوب قنغيسينك اهم اولديغنى بيان ايتمه اقامتكاهك تعيبنى امرنده اك مهم مركز مصالحنك ارايئسى لايذ اولمق حسييله اقامتكاهسز عد اولنور .

بوسيدندر كه بر سيفورطه شركتلك سيار مفقضى وظيفه سى اقتضاسندن اوله رق معنائى مطلقيله اقامتكاهه مالك دكلدر . تبليغات قانونيه مسكنتك بولندينى محل يعنى حيات مدنیه وسياسيه نك اك مهم احوال وافعالى جريان ايتديكى محله وقوع بولوب اومحل محكمه سته تابع اولور .

§ (اقامتكاهسز آدم تصور اولنور) رايئنه عدم اشتراك ايله اعتراض ايدنلر مياننده بر جوق مشهور ومقتدر مؤلفلر موجوددر . [۷]

مؤلفين مذكوره مدعالرينى اثبات ايچون فرانسه قودسيويل لايحه سنده موجود اولان (حقيقى بر اقامته مقارن اولان نيته اقامتكاه حاصل اوله جق) عباره سنى اساس اتخاذا ايديورلر

لايحه نك حين مذاكره سنده فرانسه شوراي دولته ده عبارته مذكوره طى ايدلمشدر . چونكه اقامتكاهسز اولان بر كي ميسه ايچون بو عباره ، بيمدا بر اقامتكاهه مالك اولمق ايچون صلاحيت بخش ايلديكى فكرينى توليد ايدم بيلور دى . فقط [۱] مرحوم على شهباز افندى اقامتكاهسز آدم تصور اولتماز ديه تقرير بيورورلردى

قانونشناسان اقامتگاهسز آدم هیچ بوقت تصور ایدیه جکی رأینده بولنورلردی .
 فی الحقیقه فرانسه قودسیویلنک ۱۰۳، ۱۰۲ و آنلری متعاقب موادی اقامتگاهدن
 و آنک انتخاب و تبدیلندن باحث ایسهده اقامتگاهسز بر شخصک ازسرنو اقامتگاه
 اکتسابی حقننده برکونا صراحتی حاوی دکدر بونکده سبی شودر قانون رأسا
 طفل نوزاده بر اقامتگاه طانیشدر . (اقامتگاه تولدی) اطلاق ایدیلان اشبو
 اقامتگاه بشقهسی انتخاب ایدیلنجهیه قدر محافظه ایدیلور .

§ اصول محاکمه حقوقیه قانوننک ۱۸ نجی ماده سنک فقره ثانیه سنده کی
 (اقامتگاهی یوقسه) عبارته سنه ابتاء اقامتگاهسز آدم تصور ایدیه بیلدیکی رأینده
 بولنالنرک مسروداتی ایکی وجهله جرح ایدیه بیلور .

برنجی صورت — ماده مذکورهنک (اقامتگاهی یوقسه) عبارته سی ینه اصول
 محاکمه حقوقیه قانوننک فصل ثانیسنک ۲۶ نجی ماده سنک فقره اخیره سنده کی
 (ومعلوم بر اقامتگاهی ویا محل سکناسی اولمدینی صورتهده ...) عباراتیله تفسیر
 ایدیلکدهدر .

فی الحقیقه عباره ثانیهدن اکلاشیلورکه مدعی علیک اقامتگاهی وارسهده
 مجهولدر . ۱۸ نجی مادهده کی (اقامتگاهی یوقسه) عبارته سنک دخی عین حالی
 افاده ایتمک ایستدیکی مستبعد دکدر .

ایکنجی صورت — مدعی علیک مطلقا تبعهدن اولسی لازمکمز . تبعه
 اجنبیهدن اولوبده اقامتگاهی بر مملکت اجنبیهده اولسه ینه مدعی اوکسه بی ممالک
 محروسه داخلنده بولندینی مدتیحه محاکم عثمانیه جلب ودعوت ایستیره بیلور .

سبورأیده بولنان مؤلفین دیرلرکه هرکسک بر اقامتگاهی اولیق لازمدر . فقط
 بو اقامتگاه اولسه اولسه ۲۶ نجی مادهنک فقره اخیره سنده بیان اولندینی کی مجهول
 اوله بیلور بو صورته بدوی بر عمر یکیرنلرله مستقر اولدن دائمی صورتهده بر
 یردن دیگر یره کیدنلرک اقامتگاهی واردر . اوده (اقامتگاه تولدی) درکه مجهول
 اوله بیلور . فقط هر حالده اقامتگاهلری واردر .

(استلصاق) یعنی تصدیق ایدلیان اطفال غیر مشروعهنک دخی اقامتگاهی

(اقامتگاه تولدی) در بوضورتله بر شخصك اقامتگاه حقیقیسی مجهول اولورسه بعض نقطه نظاردن مسكن آنك یرینه قائم اولور. مثلاً تبلیغات اجرایی، تعیین صلاحیت، تحریر ترکه کی امورده تعیین مرجعه اساس - اقامتگاه حقیقی مجهول اولدیغی تقدیرده - مسكن اولور .

بواساسه مبنی درکه اقامتگاه حقیقیسی تعیین ایدیه میان برتیارو اوبونجیسی عامینه برکسه اقامه دعوی ایدوب تبلیغات قانونیهی اجرا ایتک ایستسه مسکنته اجرا ایتدیره بیلور . یعنی دعوت و جلب مذکره لرینی محل مذکوره تبلیغ ایتدیره بیلور . مسکنك واقع اولدیغی محل محکمه سی بوضورتله جلب اولنان کسه نی تحت محاکمه یه آله بیلور .

واساس دعوائی رؤیته مأمور اولان محکمه او کسه نك محکمه مذکوره یه تابع بولنوب بولندینی و نظر قانونده وقوع بولان تبلیغاتك معتبر اولوب اولمدینی مسئله سی قطعاً فصل ایدر. بو بابده ویردیکی حکم قابل تمیز دکلدر. چونکه قوانینك تطبیق ویا تفسیرینه متعلق دکلدر. بر فعل حقنده وارد اولمشدر.

§ بر کیسه اقامتگاهنی ترك و تبدیل ایدوب یکی اقامتگاهنی آتیده بیان اولنان شرائط دأره سنده بیلدیرمه سابق اقامتگاهنی معتبر اوله رق آتی محافظه ایتمش عد اولنور. بناء علیه بشقه مدعی علیه لرله معاً محکمه یه جلب ایدلك لازمکسه مدعی اونی او اقامتگاه محکمه سته جلب ایتدیره بیلور .

§ اشخاص معنویه ویا قانونیه حقنده مسئله مذکوره وجوه و نقاط مختلفه تحتنده تدقیق ایدلك ایجاب ایدر. اساساً وقاعده مؤلفینك جمله سی اشخاص قانونیه حقنده اقامتگاه اولمدینی رأینده بولنورلر. «زیرا دیرلر، اقامتگاه ساکن اولملق فکری نی تولید ایدر. فقط منحصرأ اشخاص حقیقیه یه بر محل معینده ده ساکن اوله بیلورلر. قانونی و نظری بر شیک اقامتگاهی هیچ بر یرده واقع دکلدر. بوندنمعدا مسکن و منزله مالک اولان کسه نك اوراده مهم مؤسسه سی و مرکز مصالحنی مستقرأ یرلشدیرمك نیتنده بولنسی ایجاب ایدر. حالبوکه اشخاص معنویه ایچون نیت واراده متصور دکلدر» افادات مذکوره یه نظراً اشخاص معنویه حقنده

اقامتگاه، مسکن، منزل فرض ایتک قابل دکلدر. اشخاص معنویه چه اقامتگاه شرکت مرکزی و الک بسوک شعبه سنک واقع اولدینی محل عد ایدیه بیلور. اشخاص معنویه حقنده اقامتگاه فرض ایدیه میه جکی رأینده بولنان بعض مؤلفینه اعتراض ایدن قانونشناسان موجوددر.

اقامتگاه نظری برشی اولدینی و بالفعل سکنایی ایجاب ایتدیکی حالد بیه اشخاص معنویه نك صورت قطعی و وانجده تعینی اقتضا ایدن بر مرکز مصالح و منافعی بولندینی و بعض معاملات اساس اولدینی جهته — علیه لرنده اقامه اولنه جق دعاوی نك تعیین صلاحیتی و اوراق عدلیه و جلب و دعوت مذکره لرینك تبدیلی کی — اشخاص قانونیه حقنده اشبو نظریه بی توسیع و اشمل ایتامکده معنا اولمدینی رأینده بولنان قانونشناسان مدعارینی اثبات و تأیید ضمننده معقول و نفس الامر موافق مسروداتده بولورلر.

§ شمدی به قدر بیان اولنان قاعده نك عکسی اولان «برکیمسه نك ایکی ویا دهها زیاده اقامتگاهی اوله بیلور می؟». مسئله سی دخی اختلافات و مناقشات مهمه به سبب اولمشدر.

بو مسئله نك حلی ایچون اشخاص (معنوی) ویا (حقیقی) اولوق اعتباریه تفریق و تدقیق ایدمك اقتضا ایدر.

اشخاص حقیقیه — : روما قانوننده و فرانسه نك حقوق قدیمه سنده اشخاص حقیقیه به متعدد اقامتگاه طانندینی حالد فرانسه حقوق حاضره سنجه و عمومیتله بالجله دول متمدنه قوانینجه برکیمسه نك متعدد اقامتگاهی اوله ماز. بردن زیاده اقامتگاه تصور ایدیه مز.

اقامتگاهک تمرینده موجود اولان (الک مهم مؤسسه سنک واقع اولدینی) تمیرندن اکلادیلور که اقامتگاه واحد، منفرد اولور. فی الحقیقه فرانسه قودسیویلنك حین تنظیمنده درمیان اولنان افکار و افادات فرانسه قانوننك روحی و اساسی بو مرکزده اولدینی تعیین ایچون دلیل کافی تشکیل ایدر. قودسیویلنك حین مذاکره سنده قوه یسیون اعضاسندن بری شویله جه اداره کلام اینمشدر:

«برکیمسه نك متعدد مسكن و منزلى اولدينى حالده بردن زياته اقامتگاهى اوله ماز .
 «اقامتگاهك واحد اولسنك لزوم وفادهمسى دركاردر . و بناء عليه اولبايده هيچ
 «برشك و ترده محل بر اقامت اوزره صورت صريحده قانونده تعيين ايدلك
 «اقتضا ايدر . و حقوق قديمه نك ميدان و يردىكى شو خطيات و خيلك او كنى آلق
 «آيجق بوضورتله قابل و ممكن اوله بيلوردى» اقامتگاه واقع اوله بيلديكنه احتمال
 و يريله بيلان محال متعدد اولدينى و زمهسى اقامتگاه اولدينى لايقيه تعيين ايدلديكى وقت
 او كسه نك (اقامتگاه تولديسى) اقامتگاه حقيقى اوله رق محافظه ايتش اولديغنه
 حكم اولنور .

§ بوراده غايت نازك بر مسئلهيه تصادف اولنور . بر كيمسه نك متعدد مؤسسهسى
 اولوب بولنردن هانكيسنك و بناء عليه اقامتگاه اتخاذ وعد ايدلك اقتضا ايتديكى
 معلوم اولمايسى قضيه سيدر . بومسئله نك حلى ايجون او كيمسه نك اقامتگاه انتخاب
 ايتك حقه مالك اولوب اولدينى كيفيتى تدقيق و اكا كوره بيان رأى ايلمك
 ايجاب ايدر .

اولا بر كيمسه نك اقامتگاه انتخاب ايلمك حقه مالك اولدينى قضيه سنه نظراً
 مسئلهيى تدقيق ايدلم :

معلومدر كه تعيين صلاحيت امرنده محكمه لرحه اساس اولان اقامتگاهدر .
 او كيمسه نك متعدد مؤسسهسى بولنوب قنيسنك اقامتگاهى اولدينى تعيين ايدلديكى
 و انتخابه حق و صلاحيت اولدينى وقت كندى عاينده بردعوى و وقوعنده متعدد
 مؤسساتنك واقع اولدينى محال محكمه لرى پينده (ساي ويا ايجابى) اختلافلى تكونى
 طبيعى اولور . اختلافات مذكوره نك قانوناً مافوق محاكى طرفندن حل ايدلمسى
 ايجاب ايتديكندن بويله جه درجات محاكى تعقيب ايدرك صوكدر جهده محكمه تمير جه
 حل و حسم اولنور . او كيمسه نك انتخاب اقامتگاه حقه مالك اولدينى احتمالنه
 نظراً مسئله مذكوره نك حلنه كلانجه :

تحدث ايدن اختلاف ويا وقوع بولان بر تبديل اقامتگاهدن نشأت ايدر .
 او حالده اقامتگاه سابق الان معتبر مى در؛ دكيدر؛ ويا خود يكي انتخاب اولنش اولان

اقامتگاه آنک مقامه یکمیش میدرد؟ یکمیشمی درد؟ جهتلرینی کسدریمک لابدرد.
بوجهتلر آئیده صرهسی کلدیکه تفصیل ایدیه جکدر .

اشبو اختلاف بعضاًده اوکیسه طرفندن عین زمانده اشغال اولنان مختلف
اقامتگاهلردن یرینی اختیار خصوصندن منبعثدر. بوخصوص صرف فعلی بر مسئله
اولوب اساس مادهینی رؤیتیه مأمور اولان محکمه نیک صلاحیت تقدیریه سنه محولدر.
محکمه مذکوره صورت قطعیه ده مؤسسات مذکوره دن قنغیسی اقامتگاه عد ایدلمک
لازمکله چکنی حکم ایدر .

بناء علیه محکمه دلائل و اماراته بناء بر کیسه نیک اقامتگاهی فلان محله
اولدیفنه و محل مذکوره اجرا اولنان تبلیغاتک معتبر طوتلمق لازمکلدیکنه حکم
ایسه اشبو قرار محکمه تمیزک تدقیقنه تابع اوله ماز .

کذلک بر کیسه نیک برقضاده اقامتگاهی ویا مسکنی واقع اولدیفنی احوال
واماراته نظراً حکم ایتمک اساس مسئلهینی رؤیت ایدن محکمه نیک صلاحیتی
جمله سنددر .

حکمه اساس اوله جق احوال و امارات و دلائلک نه دن عبارت اولدیفنی آئیده
تبدیل اقامتگاه ایچون ایضایی لازمکلان معاملاتدن بحث اولنه جفی صره ده
اکلاشیلا جقدر .

§ بعضی مشهور قانونشناسان دیرلرکه اقامتگاه عمومینک وحدتی قاعده سی
بر کیسه حقنده بعضی احوالده متعدد اقامتگاهی وار ایش کی معامله ایدلمسینه
مانع دکلدرد. نه کم بر کیسه نیک عین اهمیتده ایکی شهرده ایکی تجارتگاهی اولوب
قنغیسنک مرکزی و قنغیسنک شعبه سی اولدیفنی و بناء علیه قنغیسی اقامتگاهی
اولدیفنی معلوم اولسه کندیسینه معاملاتده بولنان کیسه لر تعیین صلاحیت ،
هانکی محکمه یه تابع اولدیفنی خصوصنده اجرای تبلیغات و سایر معاملات حقنده ایستر
برینک ایستر دیگر تجارتگاهک واقع اولدیفنی محلی اقامتگاهی اوراق اوزره عد
و اعتبار ایدر بیلورلر. اوکیسه بالذات تولید ایتدیکی مهیمیت حالک نتایجنه متحمل
اولسی لازمکلدیکی بدیهی و بویله جه اقامتگاهی تعیین ایتینجه هر تجارتگاهی

واقع اولدینی محل محکمه سنه تابع اولسی لازمکلور .
 بوکا بناء درکه برکیمسه دیگر کسنه علینه بدل ایجار دأطولانی اقامه دعوی
 ایلسه ومدعی علیه اقامتگاه حقیقیسی بیلیمسه ساکن اولدینی محل اقامتگاه
 عدایدوب او محل محکمه سنه دعوت ایدرسه محکمه مذکوره رؤیت دعوايه
 صلاحیتداردر .

بنیامین فرید

مدنیت حاضرہ نك موضوعات كاذبه سی

۵

بشریتك بو حال تحمقرفسای معنویسی نهدن انبعاث ایدیور؟ دوشونلرك
 جمله سنده، شمدییه قدر هیچ بر زمان بودرجه عمیق ومتوسع اولدینی کورلمه یین
 بو طبع مکدر، بو مہارت نرہدن کلیور؟ بونکله برابر زمانز، اک فقیرلره بیلہ
 وقیلہ بر قرالک نائل اولہ مادینی برچوق حظوظلالت فکریہ ومادیہ یی سہولتله
 قابل استحصال بر حالہ کتیر مکدہدر .

بتون بونلر، رومانك انحطاط دوری ارباب فکرینه حیاتك بوشلنی قارشیسنده
 القای نفرت واوندن قورتولماق ایچون اتخاردن باشقه چارہ بولونمادینی ظنی
 دعوت ایدن عین سبیدن متولددر . بو سبب، عالم حقندہ کی تلقیمزلہ حیات فکریہ
 واجتماعیہ وسیاسیہ مزك کافہ اشکالی آرہ سنده موجود اولان مباہتدر . حرکاتمزدن
 ہربری، اطمینانلریمزلہ تضاد حالندہ وآنی مکذبدر . ادراکز، حقیقت اولدینی
 حس ایتدی کمز شیلرلہ زیر حکمنده یاشامق وحرکت ایتک مجبوریتندہ بولوندیقمز
 تأسیسات وموضوعات قدیمہ آرہ سنده آشیلماز بر اوچوروم آچقددر .

عالم حقندہ کی تلقیمز، بر تلقی فیدر . تلقیمزہ کورہ کائنات بر جوہر ،
 بر عنصر درکہ وظیفہ سی حرکتدر . حرکت ایسہ یکانہ قوت اولدینی حالہ
 احتیاسمزلہ مختلف قوتلر شکنندہ کلیر . حرکتك، قسماً تعین و بالتجربہ اثبات
 ایتدی کمز وقسم دیگر نی دہ سزمکدہ اولدیقمز ثابت قانونلر ایلہ اداره اولوندیغنی